

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

satis coloratos & ornatos, sed qui tangit, a-
culeos sentit, qui nisi statim extrahantur, sa-
niem contrahunt, & multos dolores exci-
tant, insuper etiam hoc indolishabent, ut se
per totum agrum disseminent ipsi, nec facile
eradicati aut deleri possint.

Eiusdem farinæ sunt haeretici & pseudo-
prophetæ, cum falsa sua & perversa doctri-
nâ. Nam sponte veniunt, & vocationem
legitimam non habent, sunt *autodidacti*,
& plus eruditionis sibi arrogant, quam re-
ipsa possident, adeoque præ aliis videti vo-
lunt, Act. 5.v.36. faciunt eminentiam sermo-
nis & sapientiæ, 1. Cor. 2.v.1. ut magna ap-
plausum sibi concilient. Fructus autem mali
sunt, & non solum animas pungunt, sed
etiam verâ consolatione privant, & in de-
sperationem tandem conjiciunt, ut nulla
postmodum arte conscientia ejusmodi sau-
ciata tranquillari possit; unde cancio etiam
comparatur, quæ in horas latiū serpit, &
totum corpus inficit, 2. Tim. 2.v.17.

3. *Ab arboribus infrugiferis.* Arbor
ideo plantatur, ut fructus afferat, quibus pa-
terfamilias ad domus suæ necessitatem uti
frui possit. Hoc si non facit, succiditur tan-
dem & in ignem conjicitur, ne fristrâ ter-
ram occupet, Luc. 13.v.7. ita comparatum
est cum falsa doctrina, quia enim fructus
non facit idoneos, sed pomis Sodomiticis si-
miles, Sap. 10.v.7. meritò cane pejus & an-
gue vitatur, ne sanitati nostræ spirituali
damnum aliquod afferat, ut solent fructus
putres & venenos. Huc applica 2. Reg. 4.
vers. 40.

O igitur cavete dilecti, cavete Pseudo-
prophetas, & firmiter inhærete *λαϊκαιστ*
δόγματ Domini nostri Jesu Christi, 1. Tim. 6.
v. 3. verbum ejus veritas, Joh. 17.v.17. instar
uvæ laudificat, Jud. 9.v.13. Psal. 19.v.8. 9. instar

ficus sanat, Isa. 38.v.21. Sap. 16.v.12. instar bo-
nae arboris bonos fructus afferat, est enim vir-
tus ad salutem omni credenti, Rom. 1.v.16.

De Secundo.

Diximus de haereticis, dicemus etiam de
hypocritis, de quibus tria Christus pro-
nunciat:

I. *Indicium*, quo cognoscuntur. Hoc
duplex est:

1. *Externa pietatis simulatio*, quâm col-
lorant

1. *Verbis*, dum vociferantur Domine,
Domine. Hæc putrida tabes hypocritis
serpit hodie per totum corpus Ecclesie, ut
multi quidem sint Christiani secundum di-
ci, pauci secundum esse, multi habent speci-
em pietatis, sed virtutem ejus abnegant, 1.
Tim. 3.v.5. multi consentiunt se nosse Deum,
factis autem negant, Tit. 1.vers.16. multi ore
Deo appropinquant, & labiis glorificant,
sed cor longè abest, 1. Tim. 2.v.13. fides eorum
mortua est, Jac. 2.v.17. pretenientia falla ut ac-
cus doloſus, Of. 7.v.16. ad sacram coenam
accedunt ut Iudas, qui erat fur, Ioh. 12.v.6.
Si peccata taxantur de suggestu, scipiosi inſi-
mulier adultera, quæ tergit os suum, dicens:
non sum operatam alium, Proverb. 30. v. 20.
Sed recte Augustin: simulata æquitas, non
est æquitas, sed duplex iniqüitas. Videtur in-
greditur vos mei, ne sitis hypocritæ, & dupli-
corde ad Deum acceditatis, Sir. 1.v.36. Sed
fides sit *ἀντίογετος*, 1. Tim. 1.v.5. chari-
tas non simulata, 1. Cor. 6.v.6. nullus enim
hypocrita venit in conspectum Dei, Job. 13.
vers. 16.

2. *Factis*, dum prophetiam & miracula
sua jactitant, quæ in nomine Christi perpe-
traverant, Matth. 7. vers. 22. Hæc enim sunt

dona

dona administrantia Spiritus S. quæ hypocritis etiam competit, quod pertinet exemplum Caiphæ, Joh. 11. v. 51. & Iudeæ, Matth. 10. v. 18. Sed vanæ est gloriatio, si fide destituantur & charitate, 1. Cor. 13; v. 2. seqq. quod probè notent φιλαυτοί, qui donis suis ad vanam gloriam abutuntur, & non Christo sed ventriserviunt, Rom. 16. vers. 18. Notent etiam Exorcistæ & miraculorum præcones in Papatu, nihil proficent, sed respondebit ipsis Dominus: Discedite à me, non novi vos. Siquidem defalsis Doctoribus prædictum est, quod signa etiam & prodigia multa patrabunt, Matth. 24. v. 24. imò ipsis Antichristi operatio erit in signis & prodigiis mendacibus, 2. Thess. 2. v. 9.

2. *Contraria vita informatio*, dum voluntatem Patris non faciunt. Hæc autem est voluntas Patris ut credamus in Christum, Johan. 6. v. 40. & fidem bonis operibus demonstremus, 1. Thess. 4. v. 3. Jac. 2. v. 18. quod non faciunt hypocritæ, sed instar sepulcrorum dealbatorum speciem pietatis exterius in fronte promittunt, cor verò peccatis scatet, Matth. 23. v. 27. & à norma decalogi semper deflectit, Ps. 125. v. 5.

Studeamus igitur ut simus frugiferæ arbores, singulis diebus manè recitemus verba Decalogi, in quo Deus voluntatem suam nobis revelavit, & ex animo firmiter nobis proponamus, quod vitam ad illius normam conformare velimus. Vespere item verba Decalogi recitemus, & sicubi deprehendamus nos cogitatis, verbis & factis offendisse, remissionem petamus, ac seruis gemitibus Deum invocemus, ut Spiritu suo nos regat cum Davide Ps. 143. v. 10.

Non possumus quidem in hac vita tam perfectè voluntatem Domini facere, ut non succrescant vitiosi quidam stolones, aut

erumpat radix aliqua amaritudinis, Ebr. 12. v. 15. Sed amputandi sunt isti stolones per veram penitentiam, ut probemus quæ sit voluntas Dei bona, & bene placens & perfecta, Rom. 12. v. 2. Servus enim, qui cognovit voluntatem Domini, & non præparavit se, nec fecit secundum voluntatem ejus, vapulabit multis, inquit Salvator, Luc. 12. vers. 47.

II. *Judicium*. Non omnes, inquit Christus, qui dicunt mihi, Domine, Domine, introibunt regnum cœlorum: Nam oculi ejus respiciunt fidem, Jer. 5. v. 3. & ubi fides non est, impossibile est Deo placere, Ebr. 11. v. 6.

Cygnus annumeratur animalibus impuris, quia albis pennis ornatus est, sed carnem habet nigrum, Lev. 11. v. 17. Ita hypocritæ alblicant exterius, sed cor nigrum est, & multæ scatent iniquitate, proinde abominatione sunt coram Deo, & radicitus olim extirpabuntur, Ps. 12. v. 4.

III. *Supplicium*, quod duplex:

1. *Regni cœlestis privatio*. Non enim introibunt in regnum cœlorum, quæ certè gravissima poena est, & hypocritas excludit à consortio SS. Trinitatis & beatorum angelorum, omniumque bonorum cœlestium participatione. Regnum terrenum magni æstimatur, quod tamen à populo ad populum migrare solet, divitiae enim non manent perpetuæ, neque corona à generatione in generationem, Prov. 27. v. 24. quanto pluris igitur æstimandum erit regnum cœleste, & corona ejus immarcessibilis, 1. Pet. 5. v. 4. ubi gaudium nostrum perfectum erit, Joh. 16. v. 24. & honorum copia iis qui ambulant in innocentia, Ps. 84. vers. 12. Sed hypocritæ privabuntur regno, privabuntur corona, privabuntur omnibus bonis, nam spes hypocritæ peribit, Job. 8. v. 13. 14.

Dominica IX. post Trinitatis.

220

2. *Aeterna gratia denegatio.* Nam continebitur ipsis Christus & dicet: Discedite a me, non novi vos. Tristissima certe sententia, ad quam nisi exhorrescant & corrigan- tur operari iniquitatis, executionem aliquando experientur in die irae & revelatione justi Dei judicii, Rom. 2. v. 5, qui enim hic

diem acceptum gratia & salutis negligit, 2. Cor. 6. v. 2. hunc tenebrae operient sempiternae, Iohan. 12. v. 35. & locum indulgentiae non amplius inveniet. Rogamus Deum Patrem coelestem, ut ab hoc malo nos clementer præserves per Iesum Christum Domum nostrum, Amen.

Dominica IX. post Trinitatis.

Evangelium Luc. 16. v. 1. 9.

Vidit Nebucadnezar in somno arborem, cuius proceritas contingebat celum, & dilatabat ramos suos usque ad terminos universæ terræ, universa animalia campi & volucres coeli degebant sub umbra ejus, & ex ea vescebatur omnis caro. Sed ecce vigil sanctus descendebat de celo, & clamabat fortiter: succidite arborem, & præcidite ramos ejus: Ita decretum est in sententia vigilum, & colloquio sanctorum, ut cognoscantur homines, quoniam dominatur excelsus super regna mundi, & distribuit illa prout vult. Hoc somnium postea David explicat de ipso Nebucadnezare, qui caput aureum dicitur, & potentissimus erat Monarcha in toto mundo: sed abutebatur donis sibi concreditis ad superbiam, proinde excisus est, & instar bestiarum circumcurvit in sylvis & agris, donec capilli ejus crescerent in similitudinem aquarum, & ungues ejus quasi avium, Dan. 4. v. 7. seqq.

Idem accidit dispensatori iniquo, cuius mentionem facit hodiernum Evangelium. Quia enim bona sibi concredita dilapidaverat, citatur ad abacum, & villicationis sua rationem reddere jubetur, sed non potest, calculus expensorum & acceptorum semper

Aliud spordens hic phinax. Vid. infra. part. 3. p. 426. a. b.

discordant, propterea succiditur arbor, id est, iniquus dispensator ab officio removetur.

Sicut autem David Regi consulit, ut peccata redimat eleemosynis, & iniquitates misericordiis pauperum, Dan. 4. v. 24. ita Christus suadet in hodierno Evangelio nobis omnibus, qui servi inutiles sumus, & iniqui dispensatores, ut amicos nobis paremus ex mammona injustitiae, qui in æterna tabernacula nos tandem aliquando recipiant.

Videbimus nos

- I. *Dispensatoris iniqui prudentism.*
- II. *Salvatoris Christi sententiam.*

J.J.

EXEGESIS.

Gravis est vox Apostoli 1. Cor. 4. v. 2. in dispensatore nihil aliud requiritur, quam ut fidelis inveniatur. Hanc fidelitatem non præstitit Oeconomus, proinde citatur a Domino, ut rationem reddat, quomodo bona sibi concredita administraverit.

Duo igitur hic consideranda veniunt

- I. *Dominus consituens*, qui describitur
1. *Ab opulentia*. Dicitur enim vir dives, quia verè est avarus, dives in omnes qui

invo-